

陽曲縣志



陽曲縣志卷之二

方輿志

戴夢熊曰水土既平爰定九州所以正方域分封疆也陽曲古冀州地歷代沿革紛紛不一故明建置省會遂成一大都矣覽疆域而知廣狹瞻形勝以識險阻而山川之靈秀民社且倚重焉雖人物非故磨滅者不可勝紀乃吊古瞻丘猶有巍然獨存者豈非蹟以古而愈重墓以人而能留者邪况夫園亭樓閣皆昔賢陶泳于斯登眺于斯者興廢之際可以識盛衰之故矣至於生植繁則方產著薰陶漸則風俗成物力之登耗民風之淳漓長民者應有休養化導之意焉余為人牧其敢忽諸作

方輿志

目錄 計九條

沿革

疆域

形勝

山川

陽曲縣志

卷之二

方輿

一

光緒二十五年



古蹟 附八景

陵墓

園亭 附樓閣

方產

風俗

陽曲縣志

卷之二 方輿

二

光二十六年

沿革

戴夢熊曰先王畫野分州爰設都邑然而建置之間歷代多不同焉自秦罷封建而置郡縣縣之名所由昉也迨其後或爲部或爲道以至爲軍爲路爲省制不同而名亦各殊矣况夫世更代裂居其地者不必襲其名沿其名者未必卽其地分而合合而分紛紛變更幾於莫辨今博考往史詳著世代備錄其名使後之讀史者知陽曲在某代爲某名夫亦可以識其地見其人矣志沿革

陽曲縣志

卷之二

沿革

三

澄二百七十四

黃帝治天下始列爲萬國易稱萬國咸寧帝嚳更創制九州冀居其一古爲金天氏裔子臺駘所居

唐堯始封於此曰唐國

虞分爲并州

夏商省入冀

周成王封弟叔虞於此亦曰唐其子變更號晉春秋仍爲晉國戰國時屬趙

秦屬太原郡狼孟縣地

漢置陽曲縣在今縣東北八十里忻州定襄縣境後

漢末移治太原縣北四十五里屬并州刺史

三國魏武帝徙陽曲縣民於太原北狼孟南境築城居之

晉廢狼孟縣屬太原

後魏以陽曲縣屬永安郡又移其南八十里卽今石城

隋初以陽字音同楊惡其曲改名陽直又徙治汾陽故城改曰汾陽縣大業初復曰陽直縣移治東木井城

陽曲縣志

卷之二

沿革

四

澄二頁六十四

唐於故陽曲城分置汾陽縣尋省陽曲縣改汾陽爲陽曲又分置羅陰縣後省羅陰復置陽曲

宋徙州治於縣南唐明鎮卽今府城移縣治於西郭外

金天會中移治郭下大定間割榆次西北鄉屬焉元因之

明置陽曲縣附郭太原府

國朝縣治仍舊編戶舊七十一里今六十一里

李方藋曰太原府爲冀州地古聖人過化之都也左太行右汾水地氣聚焉宋太宗降劉繼元之後

於舊晉陽城再遷而後至此陽曲舊縣也山忻州
定襄境經十數分合移徙而後至此二千年來郡
邑始聚於一厥後人物彪炳城郭錦繡故明末闖
寇之變晉中官民無一降賊者雖人心之忠義亦
地氣之凝固然也
聚之時義大矣哉

陽曲縣志

卷之二

沿革

五

卷一百三

疆域

戴夢熊曰自古畫野建都量地制邑此疆彼界昔人已詳哉其言之史稱秦四塞之國披山帶河百二天府推斯言也可以知疆域之說矣蓋疆域有廣狹故政事有繁簡人民有多寡長吏各守其土厥治有專厥責有屬不容紊也陽直省會之地疆域頗廣東西遼濶三百餘里不以道德化之禮義齊之政教號令將安恃乎昔子路治蒲孔子過焉入其境曰善哉由也恭敬以信矣余蓋有志焉而

陽曲縣志

卷之二

疆域

六

茂二百六十二

未逮也志疆域

陽曲縣

附郭太原府

東抵壽陽縣王胡莊六十里

西抵交城縣故交村九十里

南抵太原縣馬村十五里

北抵忻州關城子一百一十里

約廣二百二十里約袤一百五十里

前代封畛割據廣狹往牒

無徵今自縣治達

不悉載
縣師一千二百里

形勝

李方蔡曰天下大勢在西北幽冀雍洛皆帝王都會也冀於幽為右臂於雍為外屏於洛為上游戰國時秦不得越韓魏以攻齊楚亦不得越之以攻燕趙合從連橫之士皆於二三晉爭輕重焉蓋四戰之國必守之地也今晉之幅員不及古三之二乃析代以北之藩籬盡撤河曲保德之窺伺無虞鴈門偏寧之烽火不驚古不及今且倍蓰矣雖然設險原以防危有備乃能無患於以鞏

陽曲縣志

卷之二

形勝

七

茂三頁十九

神京而真苞桑蓋可一日忽乎哉志形勝

披山帶河天下要地

見杜畿傳

天王三京北都居一襟四塞之要衝控五原之都

邑

見李自序

晉之故封太行犄之首陽起之黃河迤之大陸靡

之 見柳宗元晉問

左有太行右有大河南有霍鎮之固北有雲中之

塞昔人謂之雄藩劇鎮

見博物錄

鴉鳴實參墟通析津之大關阪泉有軒轅戰次大常

之古蹟亭~~我~~隱桃花之三洞石嶺連繫舟之孤巖
見和鼎東
嶽廟碑記

汾流右遶而拖帶晉山西倚以張屏
見陳棊拱辰
樓賦

恒山之險大河之固句注險阻靈山角立
見圖書
編

居天下之脊當河朔之衝
見舊晉通志

山川

戴夢熊曰昔神禹敷土隨山刊木奠高山大川而
首先冀州冀州之山川由來稱雄矣然建置郡縣
以後各有所屬諸不在疆域以內者弗敢書也陽
直山川雖多罕山為最蓋其脈自太行聯絡而下
堪輿家謂為來龍者即此况汾河在西循城而南
昔人稱形勝者必曰左山右水非此之謂歟夫山
川之奇篤生偉人從古皆然而又何疑於陽直邪
乃說者謂汾水南流向西視會城無環抱之勢當
陽曲縣志

卷之二 山川

九 登三百五十七

於西南地建高樓以鎮之余身膺民社之責其能
不留意乎志山川

罕山

在城東北五十里其山自太行聯絡而下層
巒起伏視他山獨為聳拔圖經謂之看山

亭子山

在城西北五十里下有桃花三洞乃白子
西讀書處

崛巘山

在城西北四十里上有寺林木茂密霜後
紅葉滿山八景中崛巘紅葉即此

狼虎山

在城西三十五里

方山

在城東北六十里以方頂故名

漢柵山

在城東北六十里接孟縣鴉鳴谷

阪泉山

在城東北八十里罕山西北有白龍黑虎
二池舊名漢山晉文公卜處黃帝戰於阪

泉之兆因立廟於此故名

梁鴻山 在城東北九十里織笄之支山

織笄山 在城東北九十里即繫舟山之陽一名鳳凰山其形如鳥舒翼東卧虎山西南接頭

山羣峯羅列又名五峯山

繫舟山 在城東北九十里一名小五臺上有文殊石洞歲旱禱雨恒取水於此按一統志繫舟山乃元好問父讀書處趙秉文更其名為讀書山

山好問詩曰從此晉陽方志上繫舟山是讀書山

新增八景之一○李方綦曰小五臺在縣東北百里而遙庚戌夏旱予隨邑侯宋公禱於是山至其

頂危巒峭壁攀躋殊難土人傳為大禹治水繫舟之處山後環蹟猶存元好問咏織笄山云繫舟南

北暮雲平落日滹沱一線明以道里計之織笄繫舟或名異而實一也文殊龕後有小石洞民於此

陽曲縣志

卷之二

山川

十

登五百四十一

中取水人多異之夫月暈則風礎潤則雨雨之未至氣先至焉理所必然也因舊志不載附記於此

石尖峰 在城西北六十里烈石谷口有孤石立汾水側高十餘丈

乾燭谷 即天門關其東北楊廣道隋魯王圖貴所建

潛丘 爾雅曰晉有潛丘郭璞注云在太原晉陽今無考

汾河 在城西門外其源出靜樂縣北有二一在縣北管涔山天池一出林溪山龍眼泉至文鍋

石村合流至寧化所五里禹之孫昌寧公所定名定河至縣城西南流經樓煩故交陽曲太原清源

文水祁縣汾陽介休孝義靈石霍州汾西趙城洪洞臨汾襄陵太平曲沃絳州稷山河津滎河諸州

縣界入於黃河所經州縣多引渠灌田八景中有汾河晚渡

柳溪 在城西一里汾堤之東宋天禧中陳堯佐知并州因汾水屢漲為築堤周圍五里引汾水

注之四旁柳萬餘株中有林其華堂堂後通芙蓉湖堤上有形霞閣每歲上巳太守泛舟別人游觀焉久見於水有斷碑尚存

洛陰水 在城北三十里源出新昌郡南流經洛陰城北孟縣東北故城南其近孟縣界西南

又有石橋河水俱西流經狼孟縣故城西合真谷水又西南經陽曲灣入於汾

龍泉 有二一在城西二里南流入太原縣界一在城西北一百五十里靜樂界

烈石泉 在城西北四十里山下發源與汾水合流溉田又名烈石谷

澗河水 源出城東北五十里西南流入汾

陽曲川 在城東北三十里木井城亦名陽曲澤又名陽曲灣

真谷水 源出城北七十里南流經狼孟城西合洛陰水

陽曲縣志

卷之二

山川

十一

四百三十五

掃谷水 源出城西北一百二十里南流經天門谷入汾

南社河 在城北十里流入汾

尚家海子 在縣西南

長海子 在貢院右

圓海子 在貢院後 國初水勢寔大毀墜民居知府王公覺民捐俸挑通文昌廟後積土引

水入長海子又尋南城墻古水口疏通導水入汾民獲安址土人立木主於聖母祠內以報其德

通政更名爲文瀛湖因密邇文塲士子多遊覽其上故耳增八景有異水煙波卽此

飲馬河 在阜城門內街南明初封晉王時有三葉衛軍飲馬於此故名裴通政更名爲文瀛

湖因地近學宮後也著有雙湖篇

九間橋河 在七府營街南有尼庵

後為橋九楹橋

西湖景 在南陽內西隅周圍俱水

北有觀音山坐東南南悉蘆荻

相聖又名水晶宮通西城門因名

門

八角井 在參將府街北味甘呼

波酒又呼金波泉

星聚泉 在學宮前水清其蓋作六

名明兵備使張公推誠命

丹井 在晉府東城門內上有樓味

名金棗丹治疾甚驗惟用此

龍王廟井 在文廟西北隅大新街

為蓋有數孔味甚甘美

冰窖 舊在開平王廟後明巡撫大

遵周禮之制節宣陰陽其功

古蹟 附八景

戴夢熊曰人事代謝陵谷變遷昔賢遺蹟存者有
幾然秦宮漢闕吊古者遙遙低徊留連而不置矧
古之名賢托跡流馨忍令其與寒煙衰草同朽邪
陽曲昔多賢詰而今安在哉然憑吊遺踪狄梁公
故里在焉至若竇大夫之故封周將軍之戰壘迄
今父老猶稱道弗衰皆當與天地俱古矣志古蹟
鎮鐵坑 在旗纛廟東相傳掘地則鐵陷明初焦駟
馬都尉嘗製刀甚利後曾置入旗纛廟內
風雨為災復入
坑增八景之一

陽曲縣志

卷之二

古蹟

三

三言光

三交城 在城西北十五里晉大夫竇鳴犢城也今
舊址猶存

狄梁公故里 今狄村是也其村慈觀寺有碑記康
熙間知縣戴公夢熊勒石官亭之右

寇庄 在城南六里許父老相傳係宋相寇萊公別
墅迄今官場花園土地廟遺址尚存

舊教場 在小東門外晉恭王演武之地今廢

古城角 在貢院供給所左

大孟城 在城東北八十里春秋時晉太子邑後分
為七大孟其一也漢為縣後魏曰大神城

今廢

汾陽城 在城西七十里漢為汾陽縣隋初改陽直
唐又改今名

洛陰城 在城東北六十里隋洛陰府之地又名洛
陰縣唐初名羅陰縣後省一縣今名羅陰

狼孟城 在城北六十里狼孟灘一名狼調王莽所改舊斷澗為城今名黃頭寨

木井城 在城東北七十里鄭村南社即故汾陽縣也又名故縣城隋改陽直唐初徙縣今廢

白馬府 在城西北五十里隋書謂之故府今廢

十八廢府 在府城中及太谷榆次孟縣為府十八皆建以居府兵者今廢

陽曲故縣 在城東六十五里石城都今廢

風穴 在城西二十里石壁有穴下有廟傳云神至則穴內有聲去則否

古城 在城西北六七里尚有遺蹟

石家茆 峭壁一崖汾水環流上地廣四十畝俗傳王將軍避兵於此有早種晚收遺種

侯村 有斷頭溝嘉靖中周參將陣亡於此蓋大將忌地名周參將外名周猴兒故也

陽曲縣志

卷之二

古蹟

古

張四百四十九

烈石池 在城西北四十里烈石廟西池水徐徐而出入於汾不相合惟清水一泓流二十里

方與汾合諺云清水半壁渾水半壁

老軍營 駐兵防邊屯劄日久師老於此故名

古鐵窻 都司西古城西垣洩水處

辟蠅木 在烈石廟殿中神龕內不知為何木也狀如沉香色然凡蚊蠅等不敢入龕內

透玲碑 在烈石廟捫摸光瑩照人形影俗曰透玲

鎮河樓 舊在水西關真武廟後有樓二楹未詳兩代老人相傳樓下有鐵牛二隻蓋以牛為

丑土土能克水之義今樓與牛俱湮沒

浩然臺 在東關延壽寺後上有撫按楊宗氣王問各名公詩章

試斧石

在天門關凌井溝內有巨石一塊其中大縫如斧劈狀

真金佛祠

在凌井溝內峭壁上高數仞俗傳曾有真金佛一尊後被人以塑佛易之

大古碑

在崇善寺西井樓南高丈五六廣六七尺今卧土中

古漆井

在小彌陀寺西相傳未有寺先有井內無磚痕故名

舊察院

在南市北景泰年建成化年重修萬曆八年火燬因改察院於太子府將院址歸晉

府作永安店

俗呼晉府店

栢堂

舊府城內唐北平王馬燧建

山亭

舊府內西城上唐時建有張弘靖等詩刻石

秋華堂

在城西柳溪上宋韓絳韓縝繼守太原時建今廢

陽曲縣志

卷之二

古蹟

五

張晉十七

安武堂

在縣治西下臨汾野宋時每春秋仲月閱武於此今廢

石室

後魏風土記曰太原郡山有石室方丈四壁文字篆書人不能識

聖廟嶺

在東菜村有先師廟一座不知建於何代明萬曆乙卯重修有通判郭崇碑記

雁丘

金元好問瘞雁之所見輿圖備考今無可稽○李方蔡曰乘志古蹟非徒示觀美也亦以

動人忠孝節烈之思俾望古遙集留連不置耳按輿圖備考金元好問過陽曲見一獵者捕得二雁一死一脫網去空中哀鳴良久投地亦死好問遂以金贖之瘞之汾濱壘土為丘貞烈之性鍾於禽鳥當與益城之鴈俱千古矣舊志不載特書於末以告天下後世之事君事夫而有二心者

八景

附○屬陽曲者五屬太原者三蓋宋以前皆晉陽地也故當時志之而後世因之

汾河晚渡

舊志曰夫渡何以稱晚哉彼渡者無時早則渡午則渡而獨稱晚蓋以日將暮

水流湍急有自遠而來歸者有自近而欲返者馬足車輪咸於此時爭濟渡處兩岸人聲譁譁水聲應響觀者謂之一景矣夫渡恐其溺於水耳余謂水不能溺人而人自溺於水也水雖柔物志險不戒則溺夫子云小人溺於水君子溺於口大人溺於民小人無論已口費而煩易出難悔民有鄙心可敬不可慢皆易以溺人險踰於河且渡之在早晚則不及援也

嶓嶓紅葉

舊志曰城之西北有呼延村踰呼延而境路也再上石磴谿衍不能旋足惟有濟勝之具者可得升行近峯勢鬼疑樓殿自林稍閃出即嶓嶓寺登絕頂處名山莊頭俯視諸巒如拱如揖如見孫羅列嶓嶓之高茲地擅之矣蒼松翠栢怪石幽泉岑寂不聞人聲唐子西云山靜似太古信哉信哉將及暮秋霜露一降蒲山樹葉草葉盡皆色赤飛紫霧於晴嵐散紅霞於落日光如噴火麗若凝脂而白雲掩映時有時沒八景中獨此稱勝

陽曲縣志

卷之二

古蹟

六

六百五十一

土堂怪栢

舊志曰土堂有寺建自金太和年其來遠甚內有土洞遂名土堂極高朗大佛端坐於其下金光燦然耀日大無偶蓋不止丈六身矣父老相傳佛自山崖塌出然乎不然也當時有巨栢數株修幹垂陰橋柯飛穎茂茂密密參天蔽日歷年深為斧斤所伐風雨摧折怪者失其怪矣余謂天下之事常者可常而怪者不能常也獨愛此地古刹嵯峨後有崇岡峻嶺巉巖峭壁雄峙前有汾波汪洋其聲潺潺不息沙鳥出沒雲煙隱見野芬發而幽香佳樹叢而繁秀浮空泛景蕩若無外遺氛埃之溷濁誠一方之奇勝也

烈石寒泉

舊志曰汾河源頭發自汾蹄山由烈石口出此口巖壑百重如斷如削窈窕幽峻別一景象殆非塵壤間也傍有祠祀竇大夫鳴犢晉之賢大夫為趙鞅所戮夫子還息嚙鄉作繁標以哀之者是也祠以西有數泉冷冷可愛名曰寒泉刺刺之叻得與卓犖之所致與鳴犢激石可

以濯我纓夏則涼冬則溫謂之溫泉亦可而名之曰寒者狀其清也流二三里許入於汾河有泥沙不能如泉中時河得此泉水其勢則洶湧矣澤蘭諸村引以灌田

天門積雪

舊志曰蓋謂天門高矣而關以天門名亦言其高也關設在亂山中危峯入雲深淵見底距城六十里西通舊嵐管州樓煩諸路亦三晉之要險也山高值天雨雪繽紛如落梅飛絮瑤華滿徑瓊樹連空然風氣凜烈雪積而不化凝結成冰如水晶瑩瑩可挹觀者不覺目爽而神怡矣昔人王冕當大雪登山頭大呼曰遍天地皆白玉合成令人心胆澄徹便欲仙去嗟嗟尋梅事杳訪戴逵家高卧者絕響焉得若人之儔而與之共酬此景哉

古城夕照

舊志曰古城即唐叔虞始封于變徙都之所後智伯引水灌之城不浸者三版是也晉刺史劉琨築魏靜帝置晉陽宮北齊置大明宮於內歷代相守至宋太宗御此城受劉繼元

陽曲縣志

卷之二 古蹟

七

六百三

降始廢使歷代藩鎮之地竟為丘墟豈不深可嘆邪日陽無時不照惟夕則落暉光耀西山而西山紫氣縹緲與此城相映足為奇觀噫吁山河如故當時之人民安在廬舍安在繁華富貴又安在祇留斷垣遺址衰草寒煙夕陽一照而懷古者不能不寄慨云

蒙山曉月

舊志曰城西南有蒙山漢劉聰征劉琨不克掠晉陽之民踰梁山即此山也廣隰芊蕞孤嶺迢遙波潮吐納空谷傳響石磴橫插巖穴斜經非羣山所可埒如太白云搔首問青天蓋近之矣每夜氣將旦雲淨天空霧收星朗明月在上清輝普照明玉繩之燦爛映金波之皎潔或恍徹於重溟或遠映於千巔桂影零亂滿人襟袖殆如濯魄於冰壺也非夫遠寄冥搜遺世玩道者誰能遙想而存之語云江山風月本無常主問者便是主人而主人何寥寥也

晉祠溫泉

舊志曰懸壺山在城西南乃晉水發源處叔虞始受封剪桐為誓侯王士變國

晉水更國號曰晉而祠亦名之昔晉伯暹水以灌
晉陽後人鑿池沼建祠水側又名女郎祠以禱雨
有應加封廣惠顯靈昭濟聖母晉源之神祠下有
善利泉難老泉疏爲二池分爲三河灌溉田壤奚
止千頃云入祠內石如疊如削水如瀉如灑水石
相薄濺玉跳珠傍巖洞異卉蔓生更有松栢森森
每風自西山而來搖動其巔韻響巖谷若登雲天
之渺茫也

新增八景 附

仙閣朝霞

圓通觀大閣云仙建也層梯百尺畫角
迎暉登臨遠眺如置身雲漢上

鎮汾鎮鐵

在城兌地形如牛質根連藕絲相傳爲
鎮水神物

巽水煙波

在城東南隅水平浪靜雲樹蒼靄遇雨
增高大魚出沒令人有濠濮間想

晉宮丹井

水性大良堪入藥品晉王作金棗丹塗
治百毒惟用此水乃神效泉也

陽曲縣志

卷之二

古蹟

六

瑾四百五九

雙塔文峯

在城外十里許東南巽地兩峯插天日
初出垂影河中猶筆蘸硯地形家言文

風所關

繫舟雨信

城北九十里山勢險峻上有白雲洞每
遇大旱鄉人於此取水洞頂懸垂水珠

大雨隨至即大禹治水繫舟處又傳爲元好問父
讀書處

西谷洞天

在西山中離城七十里有古石洞傳爲
張仙蛻脫之所幽深莫測昔土人曾携

火尋源約行二十餘里尚未得其涯際未考是何
洞天

北巖瀑布

城西北四十里烈石口內前臨汾流後
坐石壁飛泉瀑布其色如雪其聲如雷

陵墓

戴夢熊曰昔人衣冠有陵墓冊有陵陵之以人重也
也夫矣夫功名赫奕翁仲如望何代蔑有乃不再
傳而人忘之矣唯是一二名賢馨流天壤縱荒丘
殘碣隱沒於荆棘榛莽中猶足令後之人登壠憑
吊徘徊而不忍去由此觀之人人豈必以墓傳哉余
觀陽曲所志陵墓大都王侯以顯貴之人居多遠者
未暇深考近時節烈如畢昇將軍而不載何也况孝
子順孫義夫節婦皆足維世風勵人心舊志俱闕
焉良足嘆也乃白子西墓猶得與將相公卿之賢
者並傳不朽亦足以廉頑立懦矣志陵墓

陽曲縣志

卷之二

陵墓

九

卷之三

漢太尉薄昭墓

在城北三十五里北山頭

唐鄖國公殷開山墓

在城西山上

五代平章周德威墓

在城西北十里後唐平章贈太師封燕王

白子西墓

在城西北五十里亭子山子西名翺嘗讀書山中歿而葬焉

高望墓

在城北

宋潘美墓

在城東北七十里潘園村

元魏國公馮純墓

在城北

明晉恭王墓

在城東南二十里駝山上康熙初年被
奸民發掘得一穴中一棺其人烏紗紅

袍足底金一錠銀一錠兩旁十棺十女人疑為當
時殉葬者中其奄人旁其宮女邪事洩悉捕於官
金銀已屬烏有又有奸民從此復開一穴其徑深
遂入即死焉尋奉官掩築人亦不敢萌盜心矣

晉恭王妃享堂墓

在城東北角二里許

晉端王

簡王

敬王墓

俱在城東南二十里駝山

長春公主墓

在城西北屯村南王村墓永樂長春
公主與駙馬都尉

晉憲王

莊王

靖王

懷王墓

俱在城北三十里劉庄

惠王墓

在城北十五里光社村

寧化懿簡王墓

在城西四十里宇文村

陽曲縣志

卷之二

陵墓

二十

任三百七十三

廣昌悼平王墓

在城北十二里尹家溝

方山莊憲王墓

在城東南十里狄村

臨泉莊簡王墓

在城東南十里狄村

雲丘簡靜王墓

在城北二十五里谷旦村

寧河康僖王墓

在城北二十里新店

寧河安憲王墓

在城北二十里新店

寧河溫簡王墓

在城北二十里新店

寧河榮莊王墓

在城北二十里新店

寧河恭懿王墓

在城北二十里新店

寧河定惠王墓

在城北

十里新店

河東昭靖王墓

在城北二十里新店

義寧榮康王墓

在城北二十里新店

河中悼懷王墓

在城南二十里馬庄

襄陰安惠王墓

在城東南二十里

新化恭裕王墓

在城北二十里新店

新化安溪懷僖王墓

在城北澗村

靖安康僖王墓

在城北十里白楊樹村

靖安恭懿王墓

在城東北十里

陽曲縣志

卷之二

陵墓

三

任三百、四

旌德懷安王墓

在城東二十里閻馬村

榮澤安懿王墓

在城北二十里南窰村

傅國公墓

在城西王村北清源尚有苗裔

周文端公經墓

在城西裴村禮部尚書大學士楊廷和有誌銘

都御史陳璘墓

在城東南二十里馬庄

都御史陳璧墓

在城東南二十里東岡

侍郎張願墓

在城東陳家峪工部侍郎勅葬

御史張文明墓

在城東一里舊雨壇後勅褒忠家贈太常寺卿

侍郎侯綸墓

在城西加庄南京戶部侍郎禮部尚書程文德一有誌

都御史侯汝諒墓

侍郎子遼東懿撫與侍郎同域

府尹萬自約墓

在城西北十五里光社村

布政王道行墓

在城東十里松庄

御史薄彥徽墓

在城北北山頭

李方秦曰墓者慕也李汝寬氏固已言之謂人有功德於人即千百年後人猶見墓而興慕也乃世之人往往為子孫富貴計多方以營之或朝塵而夕遷或奪人而利己埋甲埋髮無所不至試觀志書所載王侯卿相翁仲具在其後之光大厥緒者有幾邪堪與家之不足信於此可見易曰積善之家必有余慶書曰作善降之百祥由是觀之人亦為其可慕者而已矣若曹瞞之七十二塚塚愈多則唾罵愈眾豈不更可畏哉

園亭

列樓閣

戴夢熊曰園亭自古有之所為時遊觀節勞逸也
獨樂劇自司馬醉翁記於歐陽蓋境以人傳斯能
不朽聞太原舊多別墅改革後一望丘墟茲猶志
者亦仰止昔賢雅致不在園亭之興廢也况愛月
良宴諸亭彤霞籌邊諸樓皆馮陳等名公所構耳
棠可愛宜晉人永懷不忘乎其蹟雖沒其名不泯
當與司馬歐陽共千古矣故志園亭而附樓閣
愛月亭 在縣治東宋馮京守太原時建今廢

陽曲縣志

卷之二

園亭

三

二百五十九

良宴亭

在縣治東宋時建為宴客所今廢

四照亭

在城西柳溪上大池南有亭今廢

水心亭

在城西柳溪上今廢

清心亭

在城西南隅明景泰五年都御史蕭啓建
今廢

靖安園

在府第西重門闕遠五色交輝青松為壁
草樹茂密臯蘭猗靡修竹輝媚內有青藜

閣昂然入雲霄左亭環天鴻水右亭雲林清籟中
亭名會心處如畫船諸亭桃源武陵小景不一而
足珍花奇石曲徑高臺魚
鳥親人真勝觀也今廢

河東園

在府第後有亭有沼有臺有榭有假山
閣奇絕異卉色色可人諸縉紳題咏如

今廢

王少參可蔬園

在新南門街西今廢

萬京兆良園

即在城長地幽閑清涼無多軒宇止有茂林百籟羣鳴是為鼓吹最勝者

素烟晚帶白露晨榮逐清風於樹杪追皓月於齋頭舒嘯之趣惟此而已今廢

傅侍御園

在五府壑子街今廢

張主政園

在第十宅旁城隍廟街今廢

近溪園

在府第後並建三所堂曰最樂樓曰澄然閣曰窈窕亭如醉月流霞噴珠苑中參差

如林積石成山引水為池佳木美卉紛紅駭綠遠吞地光近接城隈辟壘麗景盡在名公題咏中亦

一勝觀

也今廢

傅少參園

二一在園通觀右一在東城下草場街亭堂稠疊草樹英英相雜後山壁立上

陽曲縣志

卷之二

園亭

三

五百二十五

建華館下有深洞可棲前圓池蓄金鯉亭自池中突出又前樹松棚西牡丹亭東菊亭省城園林雖此為最兵火後花木凋謝湖山傾歎獨有青松數株尚堪遊賞耳

王右丞桂子園

在南城墻下地廣且高居中名有斐堂稍東有祠肖房山公像南起

軒種花竹百餘本左蓮池前小魚池引泉注之池上架石為橋太湖石山當其南上建逍遙亭後作

雙屋西接城樓築土作振衣岡東有亭扁曰清虛一天越數武界以土垣植龍槐下置石床環以回

水再東作草園亭西向祠四楹肖右丞公像向北為門王元美贈詩有五柳當門山滿戶之句後子

孫不振為河東府所奪改名金粟園更拓其基有富春亭望汾樓桂藜軒歲寒居或遠或近位置參

差頗有山林野况今入官為梵宇俗名小五臺

潘太僕園

在晉府前左側素稱莊麗山樓高聳臨晉府園林相接以松栢掩映殊快觀瞻

燹後亭榭頽毀
獨山樓尚存

裴銀臺澹明園

在五福庵東南舊為少司馬李心伯日涉園疊石成山架木為橋更有曲水流觴傲

山陰蘭亭之致

郝家園

在宜春門內迤北松栢陰濃有樓名曰綠烟閣又有紫荆千樹環遶亭臺當春花開

異香

馥郁

李方秦曰仕宦家不務積陰德於冥冥之中為子孫計長久乃廣置園亭疊山穿池欲擅一時之勝卒之身死未幾率為勢家奪去稍不如意毒害中之反貽子孫之累抑獨何哉即使子孫賢亦足淫蕩志氣昔謝上蔡理學大儒集錄經語程子猶謂其玩物喪志而況於園亭乎名教中自有樂地何必爾爾晉陽昔多名園傾廢者夥志之示戒

陽曲縣志

卷之二

園亭

五

三百全

樓閣

附

鼓樓

在都察院前臺高數仞重樓三起規制若八門大樓而高殿過之前扁曰聲聞四達後扁

日威鎮三關舊

有銅壺滴漏

鐘樓

舊建壽寧寺後因舊察院回祿改移泰山廟前規制若城小樓扁曰是氏洪聲

作霖樓

在都察院後

明遠樓

在貢院內至公堂前

奎光樓

在貢院前南城上

聚奎樓

在縣學明倫堂後 大清康熙二十年知縣戴公夢熊移建學門上

高明樓

在考場內

廣生樓

在按察司六八堂後

圓照樓

在城東南十里雙塔寺內

唱經樓

在布政司前明布政劉魯重修

籌邊樓

在府治內宋端明殿學士馮京建今廢

彤霞樓

在城西汾堤上宋州守陳堯佐建今廢

文明閣

在府學啓聖祠內

通明閣

在貢院西圓通觀內俗傳仙人所建規模壯麗高聳凌雲會城巨觀當以是為第一

續增八景所謂仙

閣朝霞者即此

坤德閣

在橋頭街南

陽曲縣志

卷之二

園亭

三

一百三十一

映衣閣

在壽寧寺內

顯靈閣

在大盈倉內

方產

戴夢熊曰物生異性四方風土殊宜陽曲近邊瘠薄之地故其所產五穀花果藥物魚鱉之類不過百數十品可謂苦寒且生齒繁而賦役重若能因天地自然之利裁成而利導之亦裕國足民之一端也志方產

穀之屬

黍有軟硬二種 稷有軟硬二種 稻 粟

小麥 大麥 蕎麥 芩子

陽曲縣志

卷之二 方產

三 華二百八十六

豆有八種 麻

菜之屬

蘿葡有黃白二種 葱 韭 薤

蒜 茄子 芥菜 芹菜

菠菜 蔓菁 茗蓬 蒿苣

茼蒿 白菜 苜蓿 赤苋

馬齒莧 東風 苜蓿 那蒿

芫荽 豆豉 山藥 刀豆

紫羅帶 瓠子 藤蕒

瓜之屬

西瓜

冬瓜

甜瓜

王瓜

絲瓜

南瓜

菜瓜

北瓜

海南瓜

匏瓜

西葫蘆

果之屬

棗

梨

桃

杏

李

柰

銀杏

櫻桃

紅果

葡萄

蘋果

核桃

石榴

香果

無花果

西番柿

陽曲縣志

卷之二

方產

三

華一百二十五

木之屬

松

柏

栝

榆

柳

槐

楊

有青白垂楊三種

桑

竹

椿

楸

栲

樺

椴

煖木

花之屬

牡丹

芍藥

碧桃

玫瑰

金銀花

木槿

紫荊

丁香

石竹

萱草

珍珠

山丹

鷄冠

有紅白二種

葵花

菊花

有數十種

金盞

鳳仙

金絲菊

八仙

玉簪

蓮花

迎春

探春

牽牛郎

海棠

月季

白玉堂

水紅花

粉團

薔薇

秋葵

夾竹桃

素馨

八般嬌

紫蝴蝶

地曇

藥之屬

甘草

茴香

杏仁

桃仁

荆芥

兔絲子

車前子

枸杞子

陽曲縣志

卷之二

方產

无

一百六十八

紅花

紫蘓

黃芩

貝母

芍藥

有赤白二種

麻黃

茯苓

黃連

遠志

益母草

寄生草

柴胡

赤小豆

側柏葉

款冬花

酸棗仁

地黃

蒼朮

稀蒼草

松子仁

白芥子

夏枯草

升麻

柏子仁

芫花

牽牛子

苦參

薄荷

茵陳

郁李仁

艾

枳木皮

瓦松

大黃

櫻桃

門冬

麥門冬

金銀花

玉不習行

黃精

藟麥

防風

知母

黃蘗

地膚子

五倍子

木瓜

禽之屬

雁

鶴

鸛

鳩

燕

雉

石鷄

沙鷄

黃鸝

半翅

戴勝

鷹

鷄

隼

布穀

鷓

鴿

鴛鴦

鷺鷥

麻燕

陽曲縣志

卷之二

方產

三

一百六

雀

啄木

鳥

獸之屬

牛

馬

騾

驢

犬

羊

鹿

狼

狐

兔

獾

熊

麋

貨之屬

鐵

磁器

砂器

鹽

硝

麻油

蜂蜜

蠟

炭

煤

剪

刀

鎖鑰

羊毛

絨

氈

單絲帕

麻鞋

宋絹

捺子

靛

硫黃

白礬

黑礬

琉璃

紙

煙

錫

李方蔡曰按王元美口太原酒出太原府陽曲縣
 頗清醇而不釀難醉易醒余嘗取其初熟者以汾
 州羊羔劑半嘗之寫水晶杯不復辨色清美為天
 下冠一時諸公嘖嘖轟余至醉又宋雨公曰徐文
 長集中酒三品曰桑落襄陵羊羔價并不遠每甕
 可十小盞須銀二錢有奇今晉酒名價渾不異而
 宗藩東玉家尤勝依韻成咏寒暑無變味雪中獨
 酒香妻孥羞醞釀童僕戒携將價出王孫重人迷
 也思深哉

陽曲縣志

卷之二

方產

三

二百五十六

客子鄉同官皆不富薄醉是誰當竊思酒能亂德
 二公何至津津樂道不置禹惡旨酒孔子惟酒無
 量不及亂陽曲土產不載蓋不欲以酒名傳天下
 也思深哉

風俗

戴夢熊曰政教彰於上風俗成於下故移易之權君子操之匡衡曰公卿大夫相與循禮恭讓則民不競好仁樂施則民不暴尚義高節則民興行寬柔和惠則衆相愛四者上人之所以不言而化成也其知旨哉志風俗

太原人物殷阜不甚機巧然人頗勁悍習於戎馬前代以來頗多文雅之士見隋志

其地土瘠民貧勤儉質朴憂深思遠有陶唐之遺

陽曲縣志

卷之二

風俗

三

二百四

風見朱子詩註

其風清簡不好詞訟見一統志

士窮理學兼集辭章敦厚不華淳儉好學工賈務

實勤業人物輩出有文武全才見太原圖經

民敦質朴士守禮義無告訐之風近以地瘠賦重

日見蕭條見府志

冠禮士大夫間有行之者鄉之民惟從其便

昏禮二姓以門第相當為重必先通以媒妁俟其

允也諏日行定禮于歸之前月行納采禮此緝

家之常其士民亦隨分倣而行之第妝奩服飾之類近亦漸侈

喪禮士大夫或用家禮庶民供作佛事至迎經通街以張夸美非古道矣殯日親友送之墳上具節哀酒饌備布帛帕巾以收頭

祭禮士大夫四時祭主

孟春朔日五鼓旦起各家設庭燎香案奠儀大小羅拜天地祖先至旦親友交拜爲賀四日焚錢紙於墓前或戶外五日婦女以色紙裝男女形黎明

陽曲縣志

卷之二 風俗

三

二百九十二

置灰土中送五窮六日爆黑豆投水甕內辟毒日爆六甲八日晚設香燈作麩果餅祭拜北斗上元夕通衢張燈放花炮十六日男女雜遊以散百病新寺最盛二十日謂之小天倉二十五日謂之老天倉俱燃燈辦食品

仲春二日以石灰屑從井上引人其戶諺曰龍擡頭引錢龍社日昧爽婦女作綵線人佩之日社線食社麩

季春三日鼓樓作真武神會人多登樓禮拜清明

日具牲醴蔬饌拜掃墳墓標紙錢增新土於其塚以風箏鞦韆爲戲穀雨日五色紙印穀雨帖子粘壁上以辟諸毒

孟夏八日結浮屠會以香水滌佛像謂之浴佛

仲夏端陽節門遍插艾或懸艾虎貼赤靈符飲雄黃酒佩帶符牌綵索以角黍涼糕相餽遺教場柳堤觀騎射泛舟之戲俗名躡柳是月也五瘟廟僧令人曳車作龍舟狀列五瘟神像具鑼鼓從朔日起遍遊街衢人俱剪衣帶少許投錢米中施之俗

陽曲縣志

卷之二

風俗

三

二百七

日送瘟船

季夏六日儲水造麩

孟秋七夕閨人設瓜果於簷前祀織女以乞巧十五日祭掃墳墓

仲秋中秋節戚里餽月餅瓜果賞月

季秋重陽節親友以蒸糕殺酒相貺携觴登高把酒賞菊

孟冬元日祀先祖剪色紙爲衣焚於蒿草前或戶外名爲送寒衣

仲冬長至日祭先祖家庭叙禮親朋不相拜賀越
三日焚錢楮如正月諺曰冬三年四

季冬八日食臘八粥二十三日設糖餅果菜香燭
祭竈除日易門神雋符春帖掛長錢除夕陳禮物
於祖禰辭歲

按晉陽風俗今古異宜代有隆替如昔儉而今奢
昔勤而今惰昔稱不好訟而今且健訟矣其他澆
風所漸未能枚舉比年以來院司道憲撫綏振拔
人知爭自濯磨然與民尤爲親切者無如知府李
公玘下車後躬行教化力挽頽風民俗還淳刑清
訟簡昔人所謂躬化易於上風體訓疾於草偃詎
不信然哉

陽曲縣志

卷之二

風俗

五

二百之四

李方苞曰余兄司鐸陽直余實從焉今十餘載矣
始見其俗無他嗜率尚儉質士業詩書絕無奔競
馳達之習小民力農終歲仳仳或遠服商賈剛直
無他腸積千金者服食居處儉若寒素猶有陶唐
遺風乃邇來流俗因仍江河日下冠禮久廢不
言也至於昏不親迎喪用浮屠祭無專室富者恃
其財貧者恥其畜侈靡成風稱貸相效服飾燕會
誕於公卿嗟乎作法於儉猶恐或奢作法於奢後
將何極非士大夫崇儉敦朴力爲倡率恐逝波其
流未有底止然則砥柱中流吾能無厚望哉

